



Broj: 03-02.3-27-343-1/15
Istočno Sarajevo, 09.03.2016. godine

BAS UPUTSTVO
o označavanju i registriranju tijela
za pripremu dokumenata
bosanskohercegovačke standardizacije

SADRŽAJ

Uvod.....	3
1. Područje primjene	3
2. Upućivanje na druge dokumente	3
3. Označavanje tijela za pripremu dokumenata	3
4. Registriranje tijela za pripremu dokumenata.....	5
5. Završne odredbe	6

Izdanje	I	II	III	IV	V	VI
Datum	1997-12	2009-05-05	2016-03-09			

Na osnovu člana 61. stav 2. Zakona o upravi („Službeni glasnik BiH“, br. 32/02 i 102/09), člana 9. stav 2. Zakona o osnivanju Instituta za standardizaciju Bosne i Hercegovine („Službeni Glasnik BiH“, broj 44/04), a u vezi sa članom 6. stav 1. tačka c) Zakona o standardizaciji Bosne i Hercegovine („Službeni Glasnik BiH“, broj 19/01), direktor Instituta za standardizaciju Bosne i Hercegovine donosi:

BAS UPUTSTVO

o označavanju i registriranju tijela za pripremu dokumenata bosanskohercegovačke standardizacije

Uvod

Ovo uputstvo urađeno je na osnovu uvida u strukturu i sadržaj rada stručnih tijela za pripremu dokumenata bosanskohercegovačke standardizacije i usklađeno je sa sistemom označavanja tijela međunarodnih i evropskih organizacija za standardizaciju (ISO/IEC, CEN/CENELEC, ETSI).

1. Područje primjene

Ovo uputstvo primjenjuje se kada se utvrđuje struktura označavanja, način registriranja i evidentiranja stručnih tijela za pripremu dokumenata bosanskohercegovačke standardizacije.

Oznake stručnih tijela utvrđene ovim uputstvom koriste se za označavanje tijela na svim dokumentima i pisanim materijalima vezanim za rad na koordinaciji aktivnosti standardizacije i pripremi dokumenata bosanskohercegovačke standardizacije.

Ovo uputstvo namijenjeno je za upotrebu osoblju Instituta i tehničkim tijelima, a posebno predsjednicima i sekretarima tehničkih tijela, te svima koji su uključeni u izradu nacrt standarda i nacrt drugih dokumenata BAS-a dostupnih javnosti.

2. Upućivanje na druge dokumente

Odredbe dokumenata na koje ovo BAS U 8.5-05 upućuje istovremeno važe i kao odredbe ovog uputstva.

Navedena izdanja važe u vrijeme objavljivanja ovog uputstva, a kad se ono primjenjuje, koriste se najnovija izdanja navedenih dokumenata:

- BAS U 8.5-01:2016, *Uputstvo o označavanju i registriranju dokumenata bosanskohercegovačke standardizacije*,
- BAS U 8.5-03:2016, *Uputstvo za pripremanje, donošenje i objavljivanje bosanskohercegovačkih standarda i drugih dokumenata bosanskohercegovačke standardizacije*.

3. Označavanje tijela za pripremu dokumenata

Prema odredbama procedura za tehnički rad (BAS U 8.5-03:2016) pri planiranju i pripremi bosanskohercegovačke standardizacije angažiraju se određena stručna tijela: tehnički komiteti i njihove radne grupe.

Slovne skraćenice naziva stručnih tijela jesu:

BAS/TC – tehnički komitet,


WG – radna grupa,
AG – ad hoc grupa.

Stručna tijela za pripremu dokumenata bosanskohercegovačke standardizacije označavaju se alfanumeričkom oznakom.

Alfanumerički dio oznake ispisuje se znakovima iste vrste i veličine, a koji se međusobno odvajaju jednim praznim mjestom.

3.1 Označavanje tehničkih komiteta

Tehnički komiteti bosanskohercegovačke standardizacije označavaju se alfanumeričkom oznakom u skladu sa slijedećom strukturom:



Alfabetički dio oznake tijela sastoji se od slovne skraćenice BAS koja označava pripadnost bosanskohercegovačkoj standardizaciji i slovne skraćenice naziva tijela.

Skraćenica BAS i odgovarajuća slovna skraćenica za naziv tijela ispisuju se velikim slovima latiničnog pisma i međusobno se odvajaju kosom crtom, (/).

Identifikacijski broj oznake jeste numerički dio oznake konkretnog tijela, a utvrđen je kao redni broj pod kojim se tijelo registrira u Matičnom registru Instituta za radna tijela (vidi tačku 4).

PRIMJER

Tehnički komiteti registrirani u Matičnom registru Instituta za tehničke komitete pod rednim brojem 1 i 55 označavaju se na slijedeći način:


BAS/TC 1 ,
BAS/TC 55 .

3.2 Označavanje radnih grupa

3.3.1 Označavanje radnih grupa tehničkog komiteta

Radne grupe (WG) tehničkog komiteta označavaju se alfanumeričkom oznakom tehničkog komiteta kojem pripadaju iza koje slijedi slovna skraćenica radne grupe i identifikacijski (redni) broj pod kojim su registrirane u Matičnom registru u okviru tehničkog komiteta.

Pri označavanju se alfanumerička oznaka tehničkog komiteta i slovna skraćenica radne grupe odvajaju kosom crtom, (/).



PRIMJER

Radne grupe (WG) Tehničkog komiteta 58 registrirane u Matičnom registru u okviru tijela kojem pripadaju (Tehnički komitet 58) pod rednim brojevima 1 i 10 označavaju se na slijedeći način:

BAS/TC 58/WG 1,

BAS/TC 58/WG 10.

3.3.2 Označavanje ad hoc grupa

Označavanje AG obavlja se po istom principu kao i za radne grupe, ako ih uspostavlja određeni BAS/TC (vidi BAS U 8.5-03, 4.5.1 i 4.5.2).

Ako ad hoc grupu uspostavlja Institut (vidi BAS U 8.5-03, 4.5.4), način označavanja je slijedeći:

- alfabetski dio jeste oznaka skraćenica BAS i odgovarajuća slovna skraćenica za ad hoc grupu (AG) ispisana velikim slovima latiničnog pisma i međusobno su odvojene kosom crtom, (/),
- identifikacijski broj oznake jeste numerički dio oznake ad hoc grupe, a utvrđen je kao redni broj pod kojim se tijelo bilježi u Matičnom registru Instituta za radna tijela (vidi tačku 4).

PRIMJER

Ad hoc grupa (AG) Instituta registrirana u Matičnom registru u okviru Instituta pod rednim brojem 7, označava se kao:

BAS/AG 7.

4. Registriranje tijela za pripremu dokumenata

Alfanumerička oznaka tijela za pripremu dokumenata bosanskohercegovačke standardizacije uspostavlja se formiranjem alfabetskog dijela oznake (vidi tačku 3) i dodjelom rednog broja koji identificira konkretno tijelo u odgovarajućem registru.

Identifikacijski broj jednom dodijeljen tijelu koje se iz bilo kojeg razloga stavlja van upotrebe ne može se dodijeliti drugom tijelu istog nivoa, tj. iste slovne oznake.

Registri tijela za donošenje dokumenata bosanskohercegovačke standardizacije uspostavljaju se kao jedinstvene baze podataka koje se vode i održavaju u Institutu za standardizaciju Bosne i Hercegovine.

U ovoj bazi podataka vodi se registar tehničkih komiteta, a radne grupe i ad hoc grupe evidentiraju se u registrima tijela kojim pripadaju.

O svakom se tijelu bosanskohercegovačke standardizacije u registrima prema odluci nadležnog tijela (vidi BAS PO 8.5-01:2016) evidentiraju slijedeći podaci:

a) Redni broj:

- identifikacijski broj tijela

b) Naziv tijela:

- evidentira se puni naziv tijela (tehnički komitet, ...)

c) Broj rješenja o formiranju tijela i datum

d) Područje rada:

- detaljno se definira područje aktivnosti registriranog tijela

e) Korespondentno tijelo međunarodne ili evropske standardizacije:

- oznaka odgovarajućeg tijela ISO/IEC, CEN/CENELEC, ETSI organizacije

f) Sjedište sekretarijata

- organizacija koja je nosilac aktivnosti sekretarijata konkretnog tijela standardizacije, vidi BAS PO 8.5-

01:2016.

Evidentiraju se:

- naziv organizacije,
- mjesto,
- puna adresa,
- brojevi telefona, fax-a, e-mail.

g) Članovi:

evidentiraju se izabrani članovi tijela i podaci o svakom članu:

- ime i prezime,
- zvanje,
- naziv organizacije čiji je predstavnik,
- adresa organizacije,
- brojevi telefona, fax-a, e-mail,
- radno mjesto,
- funkcija koju obavlja u tijelu bosanskohercegovačke standardizacije,
- broj rješenja o članstvu i datum izdavanja,
- članstvo i funkcija u tijelima međunarodne ili evropske standardizacije,
- poznavanje jezika.

5. Završne odredbe

5.1. Prestanak važenja ranijeg uputstva

Stupanjem na snagu ovog uputstva prestaje da važi BAS UPUTSTVO 6 iz 2009. godine.

5.2. Stupanje na snagu

Ovo Uputstvo stupa na snagu danom donošenja, a primjenjivaće se od 14.03.2016. godine.

Direktor

Aleksandar Cincar

(Prazan stranica)

